

BREGA - ... e po' al fat central l'e stà Muntsel...

CARRA' - ecco, po' cumtam ma l'è? ma l'è vist vi atar Muntsel eccu...

BREGA - l'era una mateina un po' bunura, e sintum di gran smitragliad... noi s'erma da lons... parchè la sira prima s'erma sta noi là deint... la sira al dì prima... parchè andavma a rutasion, l'era mia fis cul distacameint lì...

CARRA' - ah! sì sì...

BREGA - siccome...mì so mia, mi favan a savel... ma al sa sava... l'ava dit Muro “i vegnan attaccà chimò!”

CARRA' - l'era già qualc di che l'van avisà...

BREGA - gli avan avisà, so mia chi, ma ieran stat avisà... e i savma chi gnivan quasi sicur... elura di rinfors la sira andavan seimpar deint... e g'n'eran bota ve' là deint, però di rinfors i g'andavan... la sira prima propi net... s'erma andà noi ad Fadel, quasi tut... gh'eran andà Guido, Cesar, mì, Felice... s'erma sta noi la sera prima ... sa suced gneint, gh'eran sta chilà, anduma via, andum al nos post...

CARRA' - e Muro era sta da vi atar cul dì lì a trual? Muro... era sta a fà una visita da vi atar quand pò?

BREGA - Muro andava e veniva... so mia dì al dì precis... ma al veniva d'ogni tant, d'ogni tant al veniva Muro... l'era al so el distacameint. Però alora pusè da spes lamò gli ultim teimp... però al gniva... e s'erma truà anca in dal Muntsel con Muro... propi savma ch'il gnivan! Alura a la sira qualca repart ad pù g'andava seimpar... la sira prima l'è tucà a noi... poi noi sarism andà ancora tri o quatar dì dop, so mia... gh'era un turan chi rinfursavan sta roba .. la mateina sintum di grand mitragliad e um pensà...

MAGNANI - vers che ura... seinc ur.. ses ur?

BREGA - sarà sta sì bunura, l'è prima dil set però... l'era prima dil set... e alura um peinsà “i ghen!”. E... andà su ad culp, t'sé mi a sa fà... e alura um peinsà andas guardà in gir a cà... peinsà a trè in alarme... cioè di “chimò ghè da fa qualcosa”... e pò quand un po' pasà al teimp... la battaglia sa sentiva seimpar pusè forta... che da lamò po' gnivan anca di culp ad murtaì vers ad chi, lur i g'avan i murtaì... i ndavan anca là in cima ma i tiravan anca ver Muntventan, li tiravan vers ad chi. Alura pò um decid d'andà dal Valurus e di “sa fumia?”... a Muntventan... ma dopo un bris eh... e al Valurus al disa “pruuma andà sù, ti v'è dad chi... mi vag da dla... pruuma un po' e ndum a ved...”. Pò quand l'ha dit pruuma ogni doi l'è andà un po' par so coint... cioè la so squadra le andà cun lu... la mia l'è andà cum me... noi sum andà sù.. dzuma... da la part ad chi e lu l'è la part ad là, e pò l'è vegn cu cl'è vegn...

MAGNANI - ma vi atar da Muntventan... as vediva i fascista?

BREGA - as vediva dal muimeint... as vediva... ma andavan tut un po'... andavan mia drit in pè eh! Tal vediva cul binocolo azì, chi ca ghi ava... a g'l'ava mia azoi. Ad ogni modo la lur, al merit d'avei liberà... d'avei veins cla bataglia lì l'è asolutameint dal Valurus...

MAGNANI - sì eh?

BREGA - si l'è sta al pu curagius... ma ugual, un po' menu che lu, gli ha liberà dzuma, gli ha finì... gli han mis in fuga chilà... però anca cu ca gl'era deint... gli en mia sta anca lur... adritura gli è sta leon... glien mia riuscì andag a taca. E gh'n'eran di mort neh...

CARRA' - e con i mort ---*incomprensibile*---

BREGA - ag n'eran di mort... propi il prim che ho vist l'è sta Gino Cerri...